

Sing Doxceng Ndaw Gobwnj

课本里的争吵



Miz hwnz ndeu, Linzlinz cingq ninzdaek, sawqmwh deng sing doxceng cauz ndiu lo. Gij sing neix lumjbaenz daj ndaw suyoj gobwnj gwnz daiz cienz daeuj. Yienghneix Linzlinz mbaetheiq mbouj doengh, dingq gyoengqde gangj gijmaz.

Boux daih'it gangjvah dwg swngzhauh, de naeuz: "Bonjsaeh gou hung, gou ndaej dawz aen soq ndeu demgya baenz boix. Ndaej dawz geij aen soq doxdoengz doxgya haenx sikhaek suenq okdaeuj. Gyoengqvunz gig maij gou, gyoengqde youq mwh suenq ndaejcanh caeuj souhaeuj, cungj siengj daengz gou, gou gojiy bang gyoengqde demgya geij

boix, geij cib boix, caemhcai engq lai leih'ik." Swngzhauh lij caengz gangj sat, cawzhauh couh hai bak lo: "Neix miz maz citgeiz, gou yienznaeuz mbouj ndaej sawj aen soq he baenz boix demgya, hoeng gou ndaej sawj de sukiq gig lai. Danhfanz gij soq mwngz ndaej gyahung haenx, gou couh gojiy sukiq. Gyoengqvunz cawzle maij mwngz, nanzdauh couh mbouj maij gou ha? Gou ndaej sawj sonjsaet, uqlah caeuj cingzbonj gyoengqde doekdaemq, gemjnoix caihah, gijneix mwngz guh ndaej lwi?"

Mwh swngzhauh caeuj cawzhauh cingq ceng dwk cauzhuhu, gyahauh caeuj gemjhauh hix ceng hwnjdaej lo. Gyahauh naeuz swhgeij gojiy sawj aen soq he onjdangq swnghwnj, gojiy suenq nienzgeij, suenq cingzcik, mbouj miz de, gyoengqvunz couh saetbae gig lai. Gemjhauh hix ceng naeuz gij youqgaen swhgeij mbouj miz vunz beij, haujlai vunzlaux caeuj dahsau cungj maij de, vunzlaux maqmuengh hezyaz doekdaemq, dahsau mbouj maqmuengh swhgeij daiq biz, ndigah swhgeij ceij ndaej gyoengqde maij.

Yaep ndeu, gyoengqde yied ceng yied haenq lo. Swngzhauh caeuj gyahauh guh mbiengj ndeu, gemjhauh caeuj cawzhauh guh doih ndeu, song mbiengj mwngz coenz gou coenz, cungj ceng mbouj dingz.

Linzlinz dingq daengz gizneix, caiq hix nyaenx mbouj youq lo. De hai aendaeng, doiq gya gemj swngz cawz naeuz: "Sou gaej caiq ceng lo, gou miz diuz daez ndeu sou bang gou suenqsuenq." "Ndei ha, gou suenq gonq!" "Mbouj ndaej, gou gonq!" Gyoengqde youh ceng hwnjdaej lo. "Sou baenz boux baenz boux daeuj ba!" Linzlinz naeuz. "4□4□ 4□4□=4, sou ndwn daengz cungqgyang daeuj, yawj byawz ndaej sawj diuz daez neix doxdaengj." Gyahauh boux daih'it hwnjbae, mboujlwnh de ndwn youq gizlawz, doeklaeng ndaej soq cungj dwg yied daeuj yied hung, cij ndei baih roengzdaej lo. Swngzhauh roxdaengz danghnaeuz swhgeij ndwn hwnjbae, doeklaeng ndaej soq itdingh yied daeuj yied hung, ndigah sikhaek biuji swhgeij mbouj miz banhfap. Gemjhauh youh bae sawq baez ndeu, doeklaeng hix mbouj ndaej doxdaengj, cawzhauh hag swngzhauh yienghneix, hix biuji swhgeij mbouj miz banhfap. Linzlinz yawj gyoengqde mbat ndeu naeuz: "Seizneix sou rox swhgeij giz mbouj gaeuj ndei haenx luba? Sou cijmiz doxgap, cijndaej dawz saehcingz guh ndei, mboujne couh cijndaej yied guh yied cuet!" Gya gemj swngz cawz seiq aen fuzhau neix, byawz hix mbouj gangj vah, laeglemx ndoj haeuj ndaw gobwnj bae lo.

(Cauh Veicinh)

Goj Diuzding

钉子的故事

Miz boux lwgsai ndeu beizheiq gig ca, daxboh de gietdingh bang de gaij gij beizheiq ca de. Miz ngoenz ndeu, daxboh hawj de bau ding ndeu, iugouz de moix fat baez heiq ndeu, couh youq aengamx ranz de ding diuz ding he. Ngoenz daih'it, lwgsai youq gwnz gamx ding le 16 diuz ding.

Gvaq geij aen singeiz le, de fatyienh, mbouj fatheiq beij ding diuzding hwnj aengamx bae lij yungzheih di. Menhmenh dwk, boux lwgsai neix hag rox nyaenx gij heiq de, moix ngoenz ding gij ding bienq noix lo. Caiq gvaqlaeng, lwgsai bienq ndaej mbouj gyaenz fatheiq lo.

De aeu gij cienjbienq swhgeij lwnh hawj daxboh nyi. Daxboh naeuz: "Mwngz danghnaeuz ndaej genhciz daengx ngoenz ndeu cungj mbouj fatheiq, couh daj gwnz gamx ciemz ok diuz ding he." Ginggvaq duenh seizgan he, lwgsai dawz gij ding de ding youq gwnz gamx haenx cungj ciemz okdaeuj liux lo.

Daxboh rag de daeujdaengz henz gamx, caenciet naeuz: "Lwg ha, mwngz guh ndaej gig ndei. Hoeng, mwngz yawj gij congh iq diuzding ding youq gwnz gaemx louz roengzdaej haenx, aengamx caiq hix mbouj dwg gij yiengh yienzlaiz lo. Dang mwngz doiq vunz fatheiq gvaq le, gij vah fatheiq seiz mwngz gangj haenx, couh lumj gij conghding neix, ndaej coeg sieng ndawsim bouxwnq. Neix couh lumj aeu cax coeg haeuj ndang vunz bae, couheinj yut fagcax okdaeuj lo, baksieng hix ciengxlwenx louz youq gwnz ndang ha.

(fouzmingz)



Golinzgaeq

蒲公英

roengz gizdieg biujmienh henjrwgrwg haenx bae, gizde dwg sahmoz. Hix gaej deng baenz duj baenz duj vangaenz yaeuh, gizde dwg huzraemx, cijmiz gij namh ndaemndwtndwt, cij dwg gizdieg sou roengzrag maj mbaw haenx.

Limqva golinzgaeq loenq lo, simva maj ok aen giuz-yungz hau ndeu. Raq rumz he bongj gvaqdaeuj, aen giuz-yungz dwggyaez neix bienq-baenz le geijcib aen gyang-lozsanj, youq laj mbwnlamz fwjhau riengz rumz mbinyag-yag.

Daxgoeng daengngoenz yawjraen le, caenciet daengq gyoengqde: "Gyoengq lwnyeyz sou aeu geiq youq, gaej doek

Gyanglozsanj iq daihsing han naeuz: "Cuengqsim ba, daxgoeng daengngoenz! Dou itdingh daengz ndaw namh bae roengzrag majhung!" Hoeng, miz song naed ceh cix mbouj yienghneix siengj, naed ceh he yawjyawj gij dieg baihlay le naeuz: "Gij namh ndaemndwtndwt neix miz maz eiqsei! Yawj, gij dieg henjrwgrwg haenx itdingh miz haujlai baujboiq. Daengz

gizde bae, gou itdingh bienq-baenz bouxfouq bakfanh." Yienghneix, de couh mbin bae coh dieg sahmoz. Lingh naed ceh he doek roengz ndaw huzraemx bae, de daekeiq vauvau naeuz: "Najhuz yubyab hausagsag haenx, itdingh ndaej hawj gou angqyangz!"

Bi daihngleih seizcin, naedceh golinzgaeq doek youq ndaw sahmoz haenx gaenq hawq dai; naedceh doek youq ndaw huzraemx haenx caeux couh dumh dai lo; cijmiz gij ceh doek youq ndaw namh haenx maj hung maj noengq, gyoengqde youq laj ndit wenjyagyag haenx doxceng haiva, cang aen daihdeih ndaej engqgya gyaundeih.

(fouzmingz)

Diuzgo Demsou

丰收的歌

Seizcou daiq hawj daih-deih dwg souj go demsou he, haeuxyangz lumj bouxbing daenj buhbing saekhenj nei, gwnz ndang lij miz baenz baiz baenz baiz "bikmax" henj; baenz doih baenz doih megmax lumj bogfeiz yindung-

yzenz yaengx hwnj nei, yied coemh yied hoengh; haeuxnaz henjrwgrwg, fan hwnj haeux-langhhenj fubfub fabfab, gyae'gyae yawj bae, doengh haeuxnaz couh lumj bu hwnj caengz damj henjgim he..... Bohlungz nungzminz yawj



doenghnaz demsou, hai gyaq souhgozgih youq ndaw naz baebae dauqdauq, singgung-gung yiengj doh doenghnaz. (sam nienzgaep Cau Yihlinz)